

7
Leichpredigt.

Über der Begrebnis/ der Ed-
len vnd Ehrntugenthafften Frawen Digne-
sen Hündin/ von Wenchheim/ Geborne von Wallenstein: Weiland
des Gestrengen/ Edlen/ Ehrnvehsten/ Christoff Zunds von Wenchheim/
vffm Altenstein/ geliebte Hausfraw/ Welche den 5. Februarj morgens sihe
vmb 4. vhr/ vffm Altenstein/ in warer Erkenntnis vnfers einigen vnd allein
Seligmachers Jesu Christi/ seliglich entschlaffen/ Vnd den Sonntag
Sexagesima/ so der 7. Februarj/ Christlichem gebrauch
nach/ in jr Ruhe vnd Schlaffkammerlein
in der Kirchen Schweina bes
stattet wordē.

Gethan/ Durch
IOHANN. RAPOLDVM der zelt
Pfarrherr daselbst.



ANNO
M. D. LXXXXI.

Handwritten text in a cursive script, likely a letter or a page from a manuscript. The text is mostly illegible due to fading and bleed-through from the reverse side.

Handwritten text, possibly a signature or a date, located below the main body of text.



Handwritten text at the bottom of the page, possibly a date or a reference number.

Dem Bestrengen / Edlen /
Ehruhesten / Christoff Hund / von Wencz
heim / vffm Altenslein / Meinem grossgünstigen
Junker vnd Patron / etc.

Westrenger / Edler Ehruvester
grossgünstiger Junker / Im Propheten
Isaia 26. Cap: spricht Gott der D^{er}.
Gehe hinn mein Volck in eine
Kammer / vnd schleus die Thür
nach dir zu / verbirge dich ein klein Augen-
blick / bis der Zorn fur vber gehe.

Inn diesem Sprüchlein lehret vnd vnterweiset
Gott der D^{er} sein / wie wir vns / wann er nach seinem
Göttlichen Rath vnd Vetterlicher wolmeinung mit sei-
ner hand vns schleget / vnd eine schwere last vnd Bürde
von allerley Creutz / anfechtung / trübsal / angst vnd noth
anfflegt / verhalten vnd erzelgen sollen. Nemlichen /
das wir nicht wider ihn zürnen vnd sawer sehen sollen /
oder das man durch eigne rath / oder verbotenen mitteln
Friede / Ruhe vnd Rath schaffen / vnd also dem Creutz
vnd auffgelegter züchtigung vnd inthe Gottes entsprin-
gen vnd entlauffen. Dann er ist selbst der vns schleget /
der vns züchtiget / wann E^r vns lieb hat / Proverb 3.
vnd E^r verhengets auch / das seine liebe Christen zu-
wollen

weilen inn dieser Welt ihres vorgengers vnd durchbress
ehers Exempel nach/ jederman vnter den Füßen liegen
müssen/ Es thut auch nicht/das wir in solcher scharf
fen Creutz schuel/darein vns GOTT zu zelten füret/ vnd
einen zinslichen Product vnn schillig geben lest/ das vns
die Ehrenen vber die Wangen fließen/ das wir wolten
verzweifeln vnd verzagen/ wie Cain Genes: 4. Saul
1. Sam: 31. vnd Simri 1. Reg: 16. Sich auff Menschen
Freunde vnd Verwandten verlassen/ ist auch nichts/
Psalm 146. Jerem: 17. Dann Menschen hülff vnd Rath
ist nichts/da sie am besten sein sol.

Der DERR aber befihlet vns im obgedachten
Spruch/ das wir in Creutz/ Anfechtung vnd Engsten/
vns zu seinem Wort halten/vnd in vnser Kummerlein ges
hen sollen/vnd da vnser not vnd anligen fur im durch ein
glenbiges Gebet ausgießen vnd ausschütten/ vnd vmb
hülff/errettung vnd entsetzung suchen vnd bitten/ Wie
er auch im 50. Psalm spricht/ Ruff mich an in der zeit der
Not/so wil ich dich erretten/ du solt mich preisen. Vnd
im 91 Psalm verheisset er gar tröstlich/ Ich bin bey im
in der Not/ Ich wil in heraus reißen/vnd zu ehren mac
hen/ Ich wil in setzten mit langem Leben/vnd wil im
zeigen mein DERR.

Dann GOTTes Wort zeigtet vns an/ das vnser
Creutz vnd trübsal/nicht ewig weren sol/sondernsey nur
Momentum. Es ist nicht indignatio perpetua, sed momentanea.
Denn des DERRn Zorn weret ein Augenblick. Es ist
nur eine kurtze Witz 1. Pet: 4. Den Abend lang weret
das weinen/aber des Morgens kommet freude/ Psalm: 30.
Vnd

Vnd wenn Er vns ein klein Augenblick verlassen hat/ so
samlet er vns mit grosser Barmhertzigkeit/ Esaiæ 54.
Vnd ehe er vns ein Creutz oder Last aufflegt/ hat ers all-
bereit abgecircelt/ wie viel zeit/ tage vnd stunde/ wir vns
damit schleppen sollen. Es denckt vns wol oft in vns-
serm Creutz vnd Notstande eine stunde etzliche Wochen
lang sein/ wenn wir so vnter der Pressur der Anfechtung
vnd Dertzenswehe liegen/ Aber Gott der VTR nens
nets hergegen ein klein Augenblick/ wie dann auch der
heilige Apostel Paulus/ dieser Welt Trübsal/ gegen die
ewigkeit der Kinder Gottes Freude/ also rechnet/ da er
sagt/ Dieser zeit leiden sey nicht werth/ das es gegen die
Derrlichkeit der zukünfftigen Freude/ so an denen/ die
Gott lieben/ geachtet werden sol.

Denn was ist zurechnen? hie in dieser Welt/ sein
Creutz vnd Marter/ Joch/ Jar vnd tage haben vnd hal-
ten/ die doch bald ein ende nemen/ vnd hiergegen hie one
Creutz vnd Leiden sein/ alle tage Kirches haben/ vnd in-
springen gehen/ vnd folgendes mit dem reichen Schlus-
cker/ ein ewige marter vnd Leidezeit tragen/ bey den Turs-
feln in der Wellen/ Luce am 16. Darumb sollen wir vnser
re Seele mit gedult fassen/ denn Gott ist getrew/ der vns
nicht leisset versuchen vber vnser vermügen/ sondern wird
der Anfechtung so ein ende machen/ das wirs ertragen
können/ 1. Cor: 10.

Vber das/ so pflegt vnser lieber GOTT die seinen
auch in jr Kemmerlein aus dieser bösen vnartigen Welt
vnd Gasthoff des Teufels abzufordern/ wann er vns
grosser Vndanckbarkeit willen seines Euangelischen

Trostworts/vnd verachtung der heiligen vnd hochwirdigen Sacramenten/nach Christi des WERK Einsetzung/ein Land mit finsternis/aus gerechtem zorn schlagen/vnd durch sein Deer/ Schwerd/ Krieg/ Pestilenz/ Feuer vnd Wasser auffreiben wil/ das ihr Bedechtnis nicht mehr sein sol/Wie dann jetzt der Jaren/viel vornehmer Leut / beides von hohen vnd andern Personen zur Ruhe gefordert/ damit sie den Jamer vnd die trübselige zeit/so fur der thür/nicht treffen/vnd durch irrige falsche Lehr vom rechten Glauben abgefñret würden.

Dann was jzt der leidige Schandteufel/widerumb fur ein gewlich Feuer der Calvinisch n Secten/an Ort vnd enden anzuzñnden (da GOTT nicht stewart vnd gnedig wehren wird) mit der Kirchen Christi höchsten Ergernis vnd verderblichen schaden/vermeinet/haben wir von hertzen vnd schmerzzen zu klagen.

Es hat der Ertzmörder sein Calvinisch Mordschwert/durch der Vernunft spitzigkeit/so ausgeschliffen/das er gedenckt/allen Christen iren Glauben an Jesum CHRIST Stam vnsern Allmechtigen WERK vnd Seligmacher abzuthun/vnd abzuschneiden/CHRIST Allmechtige vnd warhafftige Wort sollen nichts mehr gelten/ Aber was dieser Lügen vnd Vernunft Teufel vorgibt/sol alles sein. Darumb ligen die frommen Christen/ vnd ruhen gar sanfft auff Gottes Eckern/ in ihren Schlafkammerlein/ vnd dürfen sich keiner verführung befürchten/ Dann ire Seelen sind in GOTTES Hand/ Sap: 3. Dürffen auch keinen grauen/furcht/noch entsetzen tragen/ furm Türcken/ Spaniern/ vnd andern Christi

Christi vnd seiner Kirchen Feinde/ dann ire Leibe seind
verschlossen/ vnd gehet alles fur der Thür irer Remmer
lein vber.

Weil dann jetzt Bestrenger/Edler/Ehrnuehster/
Grossgünstiger Juncker vnd Patron/ vnser lieber Gott/
seinen Väterlichen willen nach/ E. E. L. Ehrnueh: zims-
lich in den Creutz Tiegel gesetzt/ vnd von allerley Trüb-
sal/Angst/vnd Beschwerung/die hitze vnd der schmers-
tze gehensst/ Sonderlich aber in dem/ das vber alles/
E. E. L. Ehrnueh: durch den zeitlichen Tode/ derselben
geliebten Dausehr/ im schwerem Alter/ in den müheses-
ligen vnd betrüblichen Witwe stand versetzt/ welche
sonderlich E. E. L. Ehrnueh. im Creutz vnd Anfech-
tungen/ nechst GOTT/ nicht allein tröstlich/besondern
auch rthätig gewesen.

Wann aber dieselbige/ ein Christlich Leben/ in
aller Gottseligkeit nicht allein geführet/ sondern in rech-
ter Erkenntnis Christi Ihesu seliglich entschlossen/ Sol
E. E. L. Ehrnueh: sich desto ehe zu ruhe begeben/ auch
andere Anfechtungen vnd Beschwerungen mit gedult
tragen/vnd das Sprüchlein des Propheten wol beden-
cken/ das er vnser Creutz vnd Anfechtung in einem Aus-
genblick endern vnd wenden kan vnd wil/ zu der zeit vnd
stunde/die er jarer sehen/ vnd vns zum besten bestimmet.
Dieweil aber E. E. L. Ehrnueh: in der heiligen Göttli-
chen Schrift/ vnd Lutheri Büchern wol belesen/vnd
darin ein guter Practicus/ als wil ich geliebter Kütz hal-
ben hierbey geruhen.

Vnd nachdem nicht allein E. E. L. Ehrnueh: beson-
dern auch derselben geliebte Söne/bey mir angehalten/

das die von mir vber dem Begrebnis Ewr Edl. Ehrw.
geliebte Hausfrau geschene Leichpredigt in Druck
möchte gegeben werden/ Als habe ich solcher Bitte
nicht zuwiderstreben vnd fechten wollen/sondern diesel-
be so gut als sie von mir in einer eyl (wie E. Edl. Ehrwch.
bewust) mit Gottes gnade vorgebracht/drucken lassen/
Mit demütiger Bitt/ solches für einen wolmeinenden
vnd günstigen willen zunehmen/vnd mein grossgünsti-
ger Juncker/Patron vnd Förderer sein vnd bleiben/Vnd
thue hie mit E. E. Ehrw. sampt derer Söhne vnd Töch-
ter/Göttlichen Schutz entpfelen. Datum vffm Pfarr-
hoff Schweina/ den 1. Junij Anno 1591.

Ewr Edl; Ehrwch.

Dienstw.

Johan. Kapold.

Diener am Wort Gottes

dieselbest.



Geliebten

eil wir seht
Augenthafften/
heim/ Geborne
Gestrengen/ Edlen/

Das Hand von Benckheim vffm
Altenstein geliebte Hausfrau/ zusammen komen sind: das wir jr den
lesten willen erzeigen/vnd in jr Schlaffkammerlein vnd Ruhebetlein
Christlichen beileiten vnd bestatten. Als wil sich gebüren/das wir in
dieser Adelichen vnd Volckreichen Christlichen Versammlung/ et-
was aus Gottes Wort mit einander/reden/handeln/vñ betrachten:
Gott dem HERRN zu ehren: Vns aber semptlichen zur Lehr/bes-
serung vnser sündlichen Lebens/ sterckung vnd trost vnser Glaus-
bens/ damit wir entlich auch das ende des Glaubens/welchs ist vn-
ser Seelen Heil vnd Seligkeit dauon bringen mögen. Vollen dem-
nach Gott den HERRN vmb seine Gnade vnd H. Geist anrufen/
vnd ein andechtiges Vater vnser sprechen.

Ewer Liebe wollen nachfolgende Wort aus dem 37.

Capittel des Propheten Ezechielis anhören/ Welche
also lauten.

Vnd des HERRN Hand kam vber mich/vnd füret
mich hinaus im Geist des HERRN/vnd stellet mich
auff ein weit Feld/das voller Beine lag/vnd er furt
mich allenthalben dadurch/ Vnd sihe (des Gebeines)
lag sehr viel auff dem Felde/ vnd sihe/ sie waren sehr ver-
dorret Vnd er sprach zu mir/ Du Menschenkind/meines
stu auch/das diese Beine wider lebendig werden? Vnd
ich sprach/ HERR HERR/ das weistu wol.

Vnd er sprach zu mir/ Weissage von diesen Beinen/
vnd sprich zu ihnen/ Ihr verdorreten Beine/ höret des
HERRN Wort/ So spricht der HERR HERR von diesen
Gebeinen/ Sihe/ Ich wil einen Odem in euch bringen/
das jr solt lebendig werden. Ich wil euch Adern geben/
vnd

vnd Fleisch lassen vber-
ziehen/ vnd will e-
bendig werdet/ Vnd so

Vnd ich weissaget/ **DEXX** Fohlen war/ Vnd si-
he/ darauschet es/ als ich weissagte/ Vnd sihe/ es regte
sich/ vnd die Bebeine kamen wider zusammen/ ein jegliches
zu seinem Bebein. Vnd ich sahe/ vnd sihe/ es wuchsen
Adern vnd Fleisch drauff/ vnd er vberzog sie mit Haut/
Es war aber noch kein Odem in jnen.

Vnd er sprach zu mir/ Weissage zum Winde/ weis-
sage du Menschenkind/ vnd sprich zum Winde/ So
spricht der **DErr DEXX** Wind/ kom erzu aus den vier
Winden/ vnd blase die Getödtten an/ das sie wider leben-
dig werden. Vnd ich weissagete/ wie er mir befohlen
hatte. Da kam Odem in sie/ vnd sie worden wider lebens-
dig/ vnd richteten sich auff ihre Füsse. Vnd jr war ein sehr
grosses Deer.

Vnd er sprach zu mir/ Du Menschenkind/ diese
Beine sind das gantze Israel. Sihe/ jtz sprechen sie/
Vnser Beine sind verdorret/ vnd vnser Hoffnung ist ver-
lorn/ vnd ist aus mit vns. Darumb weissage/ vnd sprich
zu jnen/ So spricht der **DErr DEXX**/ Sihe/ ich wil
ewre Greber auffthun/ vnd wil euch/ mein Volck/ aus
denselben heraus holen/ vnd euch ins Land Israel brin-
gen. Vnd solt erfahren/ das ich der **DErr** bin/ wenn ich
ewer Greber geöffnet/ vnd euch/ mein Volck/ aus densel-
ben bracht habe. Vnd ich wil meinen Geist in euch ge-
ben/ das jr wider leben sollet/ vnd wil euch wider in ewer

Land setzen/ Vnd solt erfahren/ das ich der

DErr bin/ Ich rede es/ vnd thue

es auch/ spricht der

DEXX.

Geliebten

/Vnter den Articlen
ens vnd Bekendnis/
einer/da wir bekennen
be eine auferstehung des

Fleisches. **M**enschliche Vernunft kan
nicht glauben/fassen noch begreifen/ das die Leibe/
so in die Erde verschorren/ verweset/ von
Würmen verzehret/eins theils vom Feuer zu puluer vnd Asche ver-
brand/von Fischen im Wasser verschlungen/ von den Vögeln ver-
tragen vnd verdawet/vnd von den wilden Thieren gefressen/etc. wi-
derumb am Jüngsten tage vnuerwärentlich / ganz mit allen Glied-
massen aus dem Staube herfür gehen sollen. Dann offft der eine einen
Schenckel in Frankreich / der ander in Spanien/ Proband/ Vn-
gern/vnd so fort lesset/ Da wils auch der Vernunft nicht ein/ das
solche zerstreute/zertrente/ verzere/ verwäse vnd zu Puluer vnd
Aschen vermordete Glieder/vnd Leibe/ sich ganz mit beinen/ Haut
vnd fleisch wider finden vnd lebendig werden sollten. Item/ das der
Mensch eben seine Ohren/Augen/ Hende vnd Füße/ sampt allen
Gliedern vollständig wider vberkomen sol/ wie er allhie in dieser welt
gehabt/ vnd das die Seele/ so einmal vom Leibe geschieden vnd ge-
wichen/widerumb darinnen wonen/ vnd mit demselbigen vereinigt
werden. Ob nu wol(sage ich) dieser Artikel/menschlicher vernunft
vnmüglich/vnd nerrisch deucht/ vnd die Gottlosen vnd Vnglaubis-
gen wider den Menschen fraß vnd greulich n Affauff/ des ganzen
menschlichen Geschlechts(verstehet) den Todt/ keine hoffnung vnd
bestendigen trost haben/ vnd der Artikel von auferstehung der To-
den das ansehen bey ihnen hat / als sey er entweder gar nichts/ oder
doch ganz zweiffelhafft vnd vngewis. Wie dann auch zum offften
den glaubigen Gottes Kindern vnd frommen Christen vber dem ab-
gang vnd sterben der irigen / das rechte Herk vnd trübe wasser vber-
gethet/ das sie darüber Liebethrenen vnd Schritztröpflein vergiessen.

Dennoch sollen wir Christen wider unsere Vernunft lernen/
vnd wissen/ das dieser Artikel in der heiligen Göttlichen Schrift

B ij nicht

nicht allein ver-
waltig darinnen
gründet vnd befe-
postel/ als der endli-
der Christen verschet/ A-
sburg
vnd zuflucht/ in Creutz/ Ansehung/ Unglück/ Widerwertigkeit vnd
Todes notes nemen/ in vngewisselter hoffnung/ glauben vnd Zu-
uersicht/ eines herrlichers/ seligers vnd bessern Lebens/ wann wir vol-
lend durch das vngewire vnd vngestümme Meer vnd mannigfal-
tige Sturmwinde vnd Vngewitter dieser alten vnd kalten Welt/
ewige Ruhe/ Friede vnd freude haben werden.

Ihm Sacer: vns nemen: Vnd Erstlich die schönen herrliche Argumenta, Con-
tt. Epist. firmationes/ Gründe vnd Beweisungen/ von der Toden aufferste-
hung daraus erwecken vnd betrachten/ welches vns beides/ Lehr/ war-
nung vnd gewissen Trost geben wird.

Zum andern/ auch etwas reden von vnser Abgeschiedenen/ Le-
ben/ Christenthumb/ vnd seligen abschied/ so viel mir/ als irem gew-
senem Seelsorger bewust/ vnd solchs de simplici et plano. Der liebe
Gott verley vns seine gnade vnd heiligen Geist dazu/ Amen.

Vom Ersten.

WAs nun das Erste belangt: Sagt der Prophet also von: Es
sey des HERRN Hand ober in komen/ vnd in hinaus im
Geist des HERRN geführt/ vnd in auff ein weit Feld/ das vol-
ler Todenbein gelegen/ gestellt/ vnd habe in allenthalben dadurch ge-
führt/ des Gebeines sey viel da gelegen/ aber sehr verdorret. Allhie ha-
ben wir nu der Toden auffstehung erstes Argument/ welches Gott
der HERR im raumen weiten Felde/ ex libro Naturæ dem Pro-
pheten furlegt. Dann wann wir im Herbst vnd zunahenden Win-
ter/ die Beume/ Laub/ Gras/ die Blumen auff den Wiesen vnd
Bergen anschawen/ haben wir an inen zur selben zeit ein jährliches
sterben/ vnd ist fur vnsern augen alles tod/ wie die Ezechielische ver-
dorrete

verdorrete Todtenbeine/ Aber im Fröling sehen wir hergegen/ wie alle ^{in der olivari} ^{insprach:} verstorbene vnd gleich verdorrete Baume/ Gras/ vnd Blumen im Felde/ im Walde/ Gerten/ Wiesen/ Bergen vnd tieffen Thälern widerumb grünet/blüet/vnd gleich lebendig wird. Dahin denn auch der Prophet Isaias sihet im 66. Capitel/ da er spricht: Ir werdet ^{und nimm} ^{Du die Luchter} ^{grün sein 79} sehen/vnd ewer Herr wird sich freuen/vnd ewer Gebeine sol grünen wie Gras. Also vergleichet der Königlich Prophet David/ aller Christen Thränen vnd weinen/ so men durch die Hitz/ Angst vnd schmerzen des Creuzes vnd Trübsalen heraus gedrenget/ dem Samen/ das die lieben Christen Thränensemlein seen/ vnd sagt/ Die mit Thränen seen/ werden mit freuden erndten/ Sie gehen dahin vnd weinen/ vnd tragen edlen Samen/ vnd kommen mit freuden/ vnd bringen ire Garben. Freylich werden wir edle vnd völlige Garben an jenem tage heimbringen vnserm getrewen Gott in seine himmlische grosse Schewren/ die wir in Christlicher erkenntnis vnd bekentnis auff den Acker Gottes geseet vnd gepflantet sein/ Also nimpt auch der H^{er} Christus selbst aus dieser Feldpostillen ein Gleichnis Joh: am 12. vnd vergleichet sich einem Weizenkörnlein. Denn er st^{irbt} auch/ vnd wird in des Todesstaub gelegt/ aber am heiligen Ostertage/gehet er widerumb/ vnd wird der Erstling oder die erste Garbe vnter denen die da schlaffen. 1. Cor: 15. Wal nu vnser H^{er} vnd Heiland Ihesus Christus im Tode nicht bliwen/ sondern sein Haupt widerumb empor gehaben/ So werden wir auch gewislich aus vnsern Grebern am Jüngsten tage herrlich herfür gehen. Dann sein aufferstehung/ist vnser aufferstehung/Wie der H. Apostel Paulus in der 1. Cor: 15. gewaltig argumentiret/ Si Christus resurrexit, & nos resurgemus: Sed primum verum, ergo & secundum. ^{Wie das Wort ist} ^{erklärt. 6. 1.} ^{und ist} ^{und nicht} ^{blieben} So Christus ist aufferstanden/ so werden wir auch aufferstehen: Nu ist das erste war/das Christus aufferstanden/ derowegen folget auch warhafftig das ander/nemlich vnser aufferstehung.

Demnach sollen wir vns aus diesem ersten Argument oder be-
weis eine tegliche Feldbibel machen/ vnd mit vnsern gedanken in die

*Simile magis
et aptius in
libro naturae
et Pellicani*
Welche/auffs Feld/Wiesen vnd Ecker/sa an die Teiche vnd Wasser
spazieren gehen/vnd aus diesem Feldbuch sehen/wie vns vnser auff-
erstehung von Gott furgebildet ist vnd wird. Kan nun des Pellicani
blut/wie man im Buch der Natur davon liest/ seine jungen im Nest
so von der Schlangen getödtet/lebendig machen/ so aus seiner brust
mit dem Schnabel zuhacket/ vber die toden jungen Pellican einfließen/
vnd triessen lest/ Viel mehr macht vns/die wir von der Schlangen
(dem Teufel) tödtlich gebissen oder verwundt sein/ wider lebendig/
das Blut vnser Pellican des HERR vnd Heilandes JHESU
Christi/so aus seinen heiligen/geöffneten fünff Wunden/ am stam-
me des Creuzes/mildiglich/frisch vnd lebendig geflossen ist/ In wels-
ches krafft wir getaufft werden/ welchs wir im Abendmal empfan-
gen vnd genießen/ damit wir gereinigt vnd gewaschen werden/ von
allen vnsern Sünden/welchs auch seine krafft/ neben dem Wort/ an
vnsern Leiben am Jüngsten tage erzeigen wird/ vnd das leben ewig-
lich vnd vberschwenglich mittheilen wird. Ein solch Bild hat man
auch am Phönix dem Vogel/ Item an den Schwalben. Am Nagel
der Eisen an sich zeucht/ Solte dann Christus nicht *τὸ ἐκ τῆς γῆς
ἀνίστασθαι* haben/ aus vnsern Grebern zu sich vns in die höhe zu ziehen.

Verborum Veritas
Das ander Argument vnd Beweis von auferstehung der To-
den/nimt allhie der Prophet *ex libro scripturae* dann er zeigt nicht
allein an/ das im taumen Felde er die darrren Todtenbeine ges-
sehen/ sondern/ der HERR habe im zu weissag-*en*/ das die verdorreten Bei-
ne widerumb lebendig/ mit Haut vnd Fleisch vberzogen/ befohlen.

*Drei beweis-
st potestas
scripturae*
Dann was Gott spricht/das mus auch geschehen Psal: 33. solcher
Testimonia Scripturae haben wir in heiliger Schrifft beide Altes
vnd neues Testaments gar genug. Esaias 25. Der HERR Zebaoth
wird auff diesem Berge das Hüllen weg thun/ damit alle Völck er-
wachüllet sein/vnd die Decke/damit alle Heiden zugedeckt sind. Denn
er wird den Tod verschlingen ewiglich Esaias 26. Deine Todten
werden leben/vnd mit dem Leichnam auff stehen/Wachen auff vnd
rühmet/ die ir ligt vnter der Erden. Daniel 12. Viel so vnter der
Erden schlaffen/werden aufwachen/etlich zum ewigen Leben/etliche
zur

für ewigen Schmach vnd schande. Im Newen Testament spricht Christus/ Johan: 5. Es kömpt die stunde/in welcher alle die in Grewern sind/ werden des Menschen Sone sinne hören/ vnd werden Herfur gehen/die da gutes gethan haben zur auferstehung des Lebens die aber vbelts gethan haben/zur auferstehung des Gerichts. Joh: 6. Das ist der wille des/der mich gesandt hat/ das wer den Son sihet/ vnd glaubet an in/habe das ewige Leben/ vnd ich werde in auferwecken am jüngsten tage. Johan: 11. Ich bin die Auferstehung vnd das Leben/Wer an mich glaubet/der wird leben/ob er gleich stürbe/Vnd wer da lebet vnd glaubet an mich/der wird nimmermehr sterben. Also spricht auch der H. Apostel Paulus in der 1. Thess. 4. So wir glauben/das Ihesus gestorben vnd auferstanden ist/ so wird Gott auch die da entschlaffen sind/ durch Ihesum mit im führen. Diese erzählte Zeugnisse/ der Propheten/ Christi/ vnd der Apostel/ darinnen der Artikel von der Toden auferstehung gegründet/ können vns nicht trügen/ Dann Gott ist in seinen Worten warhaftig.

Das dritte Argument vnd Confirmation der Toden auferstehung legt die H. Schrift für/ *Exemplis specialis & singularis resurrectionis*, in den Exempeln/derer so von den Propheten/Christo vnd den Aposteln von den Toden erwecket sind. Also erwecket er die Witwen zu Sarepta Son von den Toden der Prophet Elias 1. Reg: 17. Eliseus machet seiner Wirtinnen Son zu Sunem wieder lebendig/ 2. Reg: 4. Christus rufft aus dem Tode herfur Jairi Tochterlein/ Matth. 9. Item den verstorbenen Jüngling zu Nain/ Luce 7. Lazarum seinen Freund/der schon vier tage im Grabe gelegen/vnd stinckend worden/ Johan: 11. Petrus erwecket die Tabeam zu Joppe. Paulus den Eutichum zu Troiada/ Act. 20. Wie viel mehr wird dann am jüngsten Tage in des krafft vnd macht die Propheten vnd Apostel Toden erwecket/ der ewige SON Gottes/vns auferwecken/ob gleich Teufel/Welt/Sünde/Tod vnd Helle in wegen ligen/ So heist es doch/ Ihesus Christus Gottes Son/an vnser Stadt ist komen/ Vnd hat die Sünde abgethan/ damit den Todt genommen/

B iij

nomen/

*hie Etichim.
in Visione
vns.*

2. 2. 11

Act. 9.

genommen/ All sein Recht vnd sein gewalt/ da bleibt nichts denn es des
gestalt/ Den Stachel hat er verloren. Todt/ wo ist dein Stachel/
Hell/ wo ist dein Sieg. Der Stachel aber des Todes ist die Sün-
de/ die Krafft aber der Sünde ist das Gesetz/ Gott aber sey danck/
der vns den Sieg gibt/ durch vnserm HERRN Jesum Christum/
1. Corinth. 15.

Das vierde Argument vnd Grund ist diß/ Das ob wol der
Leichnam in der Erde vermodert/zu Staub vnd Asche worden/vnd
also weder Ohren noch Mund hat/ Dennoch wann der HERR
redet/sie es hören/vnd auff sein Wort aufferstehen müssen. Dann
hie sagt der HERR/vnd befihlet dem Propheten/das er sprechen sol/
Ossa arida, audite verbum Domini, Ir verderreten Beine horet
des HERRN Wort. Vnd ob nun gleich da keine Instrumenta
sensuum sind/ sie haben keine Ohren/Augen/Verstand vnd was
darzu von nöten ist/ dennoch hören die abgefaulete Ohren vnd ver-
dorreten Beine des HERRN Wort/ vnd beginnen darauff sich zu
regen/vnd wird ein gerümpel vnter den Knochen/ Ein jeglich Bein
kömpt zu seinem Leibe/ daran es am Leben gestanden/ vnd werden
nicht verwechselt/ vnd ob sie gleich durch einander vermengert sein/
ist doch keines verloren/ die Knochen bekommen Haut vnd Fleisch/
sampt Adern vnd Sehnen/ der Wind bleset sie an/da werden sie le-
bendig.

Diese Gründe vnd Beweifungen von auferstehung der To-
 den/ sol vns erstlich sein als ein Zaum/ dardurch wir von Sünden zu-
 rück vnd abgehalten werden/ vnd widerumb gleich als ein Sporen
 vnd Stachel/ damit wir getrieben vnd ermuntert werden/ in warer
 Gottseligkeit vnd Heiligkeit bis an vnser Ende fort zufaren/. Wie
 Sprach 7. Capit. vermanet: Was du thust/ so bedenck das Ende/
 so wirstu nimmermehr sündigen. Man pflegt diesen Spruch auch offte
 zu gewennen. Ah das alle Menschen drey ding versündten/ so ver-
gangen sind/ vnd merckten auff drey ding/ so gegenwertig sind/ vnd
 sehen auff drey ding/ so noch künfftig sind / Die drey vergangen-
ding/

ding/so furüber sind/ als Bonum amissum, Malum commissum,
Tempus amissum, Das ist: Gut zu thun ist unterlassen/Vöses ist
begegange/ vnd die zeit ist schendlich vergangen vnd furüber. Die
drey gegenwertige ding sind/ das dieses Leben so gar eine kurze zeit
weret/ Der Weg zur Seligkeit so eng vnd schwer ist/ Vnd derer so
wenig ist/ die da Selig werden. Die drey künfftige ding zu bedencken
sind/ Die vngewisse vnd erbarmliche stunde des Todes/ Die auffe-
stehung zum Gerichte/ dafur alle sichere Menschen grausam er-
schrecken/ Vnd der Hellen pein/ die vber alles vnleidlich ist. Darumb
spricht S. Hieronymus: Ich esse oder trincke oder was ich nur thue/
so dünckt mich/ es erschalle fur vnd fur in meinen Ohren die Stimm:
Stehet auff jr Todten/ vnd kompt zu Gericht. Darumb so sey die
gewisheit der Todten auffstehung/ allen rohen/sichern vnd vnbus-
fertigen/ ein warnung/sich zu bekehren/vnd Busz zuthun/ Dann sie
mit irer verteuflten Gottlosigkeit/ am Jüngsten Tage herfur zu
Gericht müssen/vnd entpfahen werden/ was sie werth sein.

Zum 2. Den Christen aber sol diese betrachtung vnd gewisheit der
Auffstehung/eine Arzenei vnd Trost sein/ wider allerley Vnfall/
Trübsal vnd Kranckheit/ damit vnser Leiber/ so lang wir in diesem
Leben sind/ kempffen müssen. Daher nimpt auch der liebe Joh seinen
trost/da er voller Wunden vnd Schweren war/ da im seine Kinder
todt blieben/vnd sein Bihe weg getrieben war/vnd spricht: Joh: 19.
Ich weis das mein Erlöser lebet/ vnd er wird mich hernach aus der
Erden aufferwecken. Vnd S. Paulus sagt: Vnser Trübsal/die
zeitlich vnd leicht ist/ schaffet eine ewige vnd vber alle masse wichtige
Herligkeit/ vns die wir nicht sehen auff das sichtbare/ sondern auff
das vnsichtbare/ 2. Corinth: 4.

Zum dritten/sol vns auch die gewisheit der Auffstehung/vn-
ser leynd vnd trawren vber dem Tode vnserer Freunde/nach den wör-
ten Pauli 1. Thessal: 4. lindern/ Wir wollen euch/ lieben Brüder/2. sum: 12.
nichts verhalten/von denen die da schlaffen/ auff das jr nicht traw-
rig seid/wie die andern/die keine hoffnung haben/ Denn so wir glau-
ben/

ben/das Jesus gestorben vnd auffgestanden ist/also wird auch Gott/
die da entschlaffen sind/durch Ihesum mit im führen.

Zum vierden/sol vns auch die Aufferstehung alle furcht vnd
schrecken des Todes entnemen/ wenn das stündlein daher gehet/ an
vns selbst/dieweil wir wissen/ das dieser leiblicher Tod anders nichts
ist/ dann ein hingang zur ewigen Herrlichkeit/ wie geschrieben
steht: Selig sind die Toten/die im HERRN sterben/ Apocal: 14.
Das sey also gnug vom Ersten.

1oh: 16.
Phil: 1.

Vom Andern.

Dum Andern/ Was nu im HERRN abuerschiedener/ der Ed-
len vnd Ehrnugenthafften / Frawen Agnes von Benckheim /
weiland/des Gestrengen/Edlen/Ehrnuehsten Christoff Hunds
von Benckheim/ vñm Altenstein/ geliebter Hausfrawen/ Leb: r /
Christen kumb/vnd Abschied anlanget: So ist nicht allein mir/son-
dern jederman bewußt/das sie ihren Adelichen stand/in Gottes für-
he Reuschheit vnd Zucht/ ja in aller Gottseligkeit geführt/ vnd Glaus-
ben vnd gut Gewissen behalten/ Vnd das solche eufferliche Gottse-
ligkeit vnd erbar Leben/ nicht ein schein vnd Heuchelen gewesen/ hat
sie es auch mit glaubens Früchten/ durch die Werk der Barmh-
erzigkeit/gegen den Dienern am Wort des HERRN/vnd dem armen
dürfftigen Lazaro erweist vnd erzeiget/ Dann sie nicht eine versper-
rte vnd verschlossene Hand gegen den Nothdürfftigen/ sondern eine
milde vnd willige Beband gehabt/ Wie solchs die Armen nicht
allein bezeugen/sondern anch ir in dieser klemen Zeit gemessen wer-
den. Gottes Wort hat sie lieb gehabt/ dasselbige offte besucht/vnd die
Diener des Wortes geehret. In irem Hausstande/hat sie Christli-
che vorsichtigkeit zugebrauchen wiffen/ damit irer Hausnahrung vnd
Futter nicht gemangelt. In irem Ehestande/hat sie mit irem lieben
Mann 45. Jar vnd 6. wochen gelebet/vnd darinnen durch Gottes
Egen 12. Kinder Mutter worden/darunter 7. Söhne vnd 5. Töch-
ter/ d: re noch 6. Söhne vnd drey Töchter am leben/ so lang G: D: e
wil. Was ir Alter belangt/hat sie das alter/davon Moses der Mann
Gottes

Gottes im 90. Psalm spricht/ Unser Leben weret siebenzig Jar / er
reicht/ dann so alt ist sie geworden. Es ist ein herrlich Alter/ welches
zu Moses Zeiten allbereit seltsam vnd thewer gewesen. Ferner sage
Moses im bemelten Psalm: Wenns köstlich gewesen ist/ so ist's mü-
he vnd arbeit gewesen/ darinnen lauter Creus/ Trübsal/ vnd stetige
Anfechtung/ Vnd dieses (wie oft geklagt) hat sie in irer siebenzig
jähriger Walfart/ teglich erfahren/ aber doch durch Gottes hülffe/ mie
gedult erwunden. Da sie sich schwach vnd krank befunden/ hat sie
bald nach mir geschickt/ (als dieses Orts unwürdiger Diener am
Wort des HERRN wie ich denn meinem Ampt nach/ willig er-
schienen/ Da hat sie ire Schwachheit vermeldet/ vnd darneben an-
gezeiget/ wie sie bey sich entschlossen/ sich mit dem lieben Gott zu ver-
sünnen/ vnd darnach im leben vnd sterben dem lieben Gott empfehlen.
Wie denn auch am nechsten Mittwoch/ so der dritte Februarij/ ges-
chehen: Da sie ire Beicht vnd Bekenntnis irer Sünden/ mit demüti-
gem herzen vnd Christlichen Thränen vnd andacht gethan/ darauff
sie von mir aus dem heiligen Euangelio getröstet/ die Absolution vnd
vergebung ihrer Sünden/ sampt dem Heiligen vnd Hochwürdigen
Sacrament des waren Leibes vnd Blutes Jesu Christi empfangen/
vnd folgend jr neben andern der heiligen Schrift Trostsprüchen/
auch diesen vorgesagt/ zum Römern am 14. Unser keiner lebet im
selber/ Vnd keiner stirbt im selber/ Leben wir/ so leben wir dem
HERRN/ Sterben wir/ so sterben wir dem HERRN/ Darum
wir leben oder sterben/ so sind wir des HERRN/ Denn darzu ist
Christus gestorben/ vnd auffgestanden/ vnd wider lebendig worden/
das er vber Todte vnd Lebendige HERR sey. Darauff sie gar
Christlich gesagt/ Sie habe nu jr sache dem lieben Gott heimgestellt/
wann es sein Göttlicher wille sey/ so habe sie ire zeit gelebt/ vnd wolle
gern sterben/ vnd aus dieser Welt scheiden/ Sie bitte nur den lieben
Gott/ er wolle jr ein seliges/ Christliches Ende bescheren/ Wie dann
vnsrer lieber Gott/ solchs jr suchen vnd bitten jr gewehret/ vnd sie am
Freitag früe kurz vor 4. vhren/ aus diesem Jammerthal zu sich in
sein ewigen FreudenSaal genommen/ zu welcher Reise vnd Heimfare
C ij sie sich

sie sich auch sein Christlich geschickte vnd gerüst/das sie durch die hel-
 lige Absolution die grosse vnd schwere Last ihrer Sünden abgelegt/
 vnd den starcken wichtichsten vnd krefftigsten Zehrsfenmig/ im Ab-
 bendmal des waren Leibes vnd Blutes Ihesu Christi/empfangen/
 dadurch sie nicht/wie Elias bey dem Gerstenbrod/ (so im der Engel
 Gottes gebracht/40. tage vngessen bis an den Berg Horeb gan-
 gen) im 1. Reg: 19. sondern durch Leben/Not vnd Tod/vernünftig
 vnd Christlich ins Himlische ewige Vaterland/ der vnaussprechli-
 chen ewigen Freude vnd Seligkeit ritterlich gedrungen/ da sie keine
 qual/Angst/Erübsal/ der Welt vntrew/ Hunger oder Kummer an-
 fechten wird/sondern jr Seele ruhet in Gottes Hand/Sap: 3. Was
 den Leichnam anlangt/ wollen wir denselbigen jetzt auch gebürlichen
 vnd Christlichen in sein Ruhesettlein legen/ da er denn des frölichen
 Jüngsten tages vnd allgemeiner Brüstend mit allen Glaubigen er-
 warten. Der liebe G D E verley vns allen auch ein seliges
 Ende/ vnd helff vns zur ewigen Freude vnd Se-
 ligkeit/Amen. In Christo Ihesu
 A M E N.

Reise Sprüchlein/

Der Edlen/ vnd Ehrntugent-
 haften Fräwen Agnesen Hündin von
 Wenckheim/ Geborne von Wallenstein/ Weiland des Gestrengen/
 Edlen/ Ehrenochsten Christoff Hunds von Wenckheim/ vßm
 Altenstein geliebter Hausfrawen / Jan Kömern
 am 14. Capitel.

Einer thut von jm selber lebn/
 Des gleichen von jm sterben darnebn.
 Leben wir/ so seind wirs D E R K E n allein/
 Sterben wir/ so seind wir aber sein.

Wir

Wir haben das Leben ober den Todt/
So ghörn wir vnserm lieben GOTT. |
Denn darzu ist DER Ihsus gestorbn/
Erstanden vnd erwecket worden.
Das er gantz Ritterlich vnd frey/
Vber Todt vnd Leben DER sey.

Esaiæ 53.

ICH bin dein GOTT/ vnd auch dein DER/
Auffer mir ist kein DRYland mehr.
Ja ICH hastu arbeit gemacht/
Mit deinen Sünden Tag vnd Nacht/
Mir hastu gemacht viel mühe/
Durch dein Mißthat spatt vnd früe.
Ich/ Ich/ tilge dein Vberrettung/
Nach meiner grossen Erbarmung/
Vnd gedeneck deiner Sünden nicht/
Vmb meinet willen/ der DER spricht.

Matth. 11.

Kompt her zu ICH alle itziger zeit/
Die jr müheselig beladen seid/
Thut euch mit Glauben zu mir schicken/
Doldselig willich euch erquickten.
Nemet auff euch mein Creutz vnd Ioch/
Lernet von mir/ folget mir nach.
Ich bin Gütig vnd Sanfftmütig/
Vnd von hertzen gantz-Demütig.
Wil euch verschaffn lindrung der Last/
Vnd ewer Seel gut ruh vnd rast.
Dann sanfftmütig ist das Ioch mein/
Vnd meine Last ist leicht vnd fein.

I. R.

Cij

Antiqua

ANTIQUA NOBILITATE ET VIRTUTE SUA
PRÆSTANTISSIMORVM D. D. CHRISTO-

phori & Ioannis fratrum, & Christophori VVolfgangi patrue-
lis, HVNDE á VVenckheim in Altenstein, Pastori-
ritè vocato, Reverendo Viro D: Iohanni Rappoldo Gratula-
torium, Scriptum á M. Laurentio Drabio Theologiæ
B: Ecclesiæ Arnstatiensi obseruantie &
amoris ergo.



Qvod petijt Iohan Daniel affinis, amande
RAPPOLD, non renuo: gratulor ergo tibi.
Gratulor ex animo, quia te facere ministrum
Conspicui clara nobilitate CANES.

Quos inter fulget Senio Venerandus & annis
Christophorus, patrij luxq; decusq; soli.
Omnis in egregio cuius stat cura parentis
Christophoro nato, Phengarium in arce tua.
Cui benè commendat præclara negotia rerum
Hassiacus Princeps non sine laude viri.
Quid memorem fratrem, cui proles optima lena
Artibus exculta est ingenijq; bonis?
Istam cognovi præstantem moribus æquis
Sartorio studijs prospiciente sacris.
Deniq; Christophorum VVolfgangum Musa tacebit
Nunquam, qui veræ religionis amans,

Certatim

Certatim incumbunt pariter defendere dogma
LUTHERI firmum numine dante Dei:
Turpeq; Sandalum renunt amplexibus oris,
Quod malè miratur perfida turba Papæ.
(Perfida rassa cohors, infida, molesta, rebellis
CHRISTO. dira, ferox, moribus, arte vasa:
Insimulans falsi, quondam confessa fuere
Quæ procures, regni qui pia sceptrâ gerunt.
Sed confunduntur malè, cum fundamine nullo
Sint fulti miseri, Sunt rata verba Dei,
Sunt rata verba Dei, cui tanto turbine mundi
Est inimica cohors, est inimica pî:
Qui toto CHRISTVM de corde fuere professi
Absq; dolo, humanis ritibus, absq; malo;)
Quam passim modò sectatur malefuada caterva
Pontificis, turbans omnia rassa cohors.
Illam corripies Verbis ac arte secandi
Rectè, Tarsensi præcipiente Viro.
Sis gregis exemplar doctrina, moribus, atq;
Te præstes dignum, qua decet, arte virum:
Iudicium vulgi nil morans, despuce cunctos
Invisos CHRISTO, his, quæq; Lutherus amat.
Quisquis amat CHRISTVM, non oderit ille Lutherum,
Improba fac melius, si potes Invidia.

Gedruckt zu Erfurdt, durch Martin Witten
Wohnhaftig gegen der Meimergassen.

